



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1196/13
Sarajevo, 25.4.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	26-04-2013		
Organizaciona jedinica	Klasifikaciona oznaka	Redni broj	Broj lista
05-50-1-13	13	43	13

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 47. sjednici održanoj 25.4.2013. godine, utvrdilo je Odgovor na zastupničko pitanje koje je postavio Saša Magazinović, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,





**BOSNA I HERCEGOVINA
VIJEĆE MINISTARA**

Broj: 05-50-1-1196/13
Sarajevo, 25.4.2013. godine

Saša Magazinović, poslanik u Predstavničkom domu Parlamentarne skupštine Bosne i Hercegovine, na 43. sjednici Predstavničkog doma održanoj 28. februara 2013. godine, postavio je sljedeće poslaničko pitanje:

"Zašto još uvijek ništa nije realizovano na implementaciji i uspostavljanju potrebne strukture za ispunjenje preuzetih obaveza iz Konvencije o međunarodnoj trgovini ugroženim vrstama divljih životinja i biljaka (CITES)?

Koji je krajnji rok u kojem se konačno može reći da BiH može izdavati CITES dozvolu? (vrlo konkretan datum)“

Na poslaničko pitanje, Savjet ministara Bosne i Hercegovine je na 47. sjednici održanoj 25. 04. 2013. godine, utvrdio sljedeći

ODGOVOR

Konvencija o međunarodnoj trgovini ugroženim vrstama divljih životinja i biljaka - CITES (*Convention on International Trade in Endangered Species of Wild Fauna and Flora*) je međunarodni sporazum između vlada zemalja članica. Cilj Konvencije je da se osigura da međunarodna trgovina živim primjercima divljih životinja i biljaka, njihovih dijelova i derivata ne ugrozi opstanak istih vrsta u divljini. U cilju borbe protiv krijumčarenja i nezakonite trgovine najranjivijim objektima prirodnih resursa i radi organizacije efektne kontrole izvozne - uvozne aktivnosti sa životinjama i biljkama, na inicijativu IUCN, 1973. godine je uspostavljena CITES. Prema mjestu osnivanja naziva se i Vašingtonska konvencija, a na snagu je stupila 1. jula 1975. godine.

CITES Konvencija reguliše promet preko 33.000 vrsta životinja i biljaka. Spiskovi svih vrsta nalaze se u Dodacima I, II i III. CITES funkcioniše tako što se divlje vrste životinja i biljaka svrstavaju u određene kategorije koje podliježu različitim mjerama kontrole prometa i trgovine. Svaki tip uvoza, izvoza, ponovnog izvoza i unosa iz velikog broja vrsta koje pokriva CITES mora biti odobren kroz sistem izdavanja i provjere dozvola. Svaka država potpisnica Konvencije je dužna odrediti jedan ili više upravnih organa koji će upravljati izdavanjem dozvola i jedan ili više naučnih i stručnih tijela za pružanje savjeta i mišljenja o posljedicama na datu vrstu tokom trgovine.

Dodatak I i II

Dodatak I sadrži vrste kojima prijeti istrebljenje. Trgovina primjercima ovih vrsta je dozvoljena samo u posebnim slučajevima. Dodatak II sadrži vrste kojima direktno ne prijeti istrebljenje, ali čija trgovina mora biti kontrolisana da bi se izbjeglo eksploataisanje koje bi ugrozilo njihov opstanak.

Konferencija potpisnica (*Conference of the Parties - CoP*) je glavni mehanizam odlučivanja koji okuplja predstavnike država potpisnica. Rezolucijom Konferencije 9.24 odlučeno je da se koriste određeni biološki i trgovački kriteriji u određivanju da li vrsta treba biti uvrštena u Dodatak I ili II. Prije svakog zasjedanja Konferencije potpisnica, prijedlozi mogu biti podnijeti po tim kriterijima od strane potpisnica. Svaka potencijalna izmjena se razmatra i prosljeđuje na glasanje.

Dodatak III

Ovaj Dodatak sadrži vrste koje su zaštićene na teritoriji barem jedne države, koja traži od ostalih država potpisnica CITES Konvencije pomoć u kontroli prometa tih vrsta. Izmjene u Dodatku III prate posebnu proceduru koja se razlikuje od one za izmjene Dodataka I i II, zato što svaka država potpisnica može praviti jednostrane amandmane.

Primjerak vrste koja se nalazi na Dodacima CITES-a može se uvesti, izvesti ili ponovno izvesti iz države potpisnice samo ako ga prati odgovarajući dokument koji se predaje na uvid odgovarajućoj državnoj službi na graničnom prelazu. Postoje razlike u potrebnoj dokumentaciji kod država potpisnica Konvencije i zato je važno da se uvijek provjere nacionalni propisi, jer oni mogu biti restriktivniji od same Konvencije.

Bosna i Hercegovina je ratifikovala Konvenciju o međunarodnoj trgovini ugroženim vrstama divljih životinja i biljaka (CITES) 05.12.2008. godine (Sl. Glasnik BiH, broj: 11/08), te je u tom smislu bila obavezna razviti strukturu za implementaciju CITES-a u Bosni i Hercegovini. Do sada su poduzete određene aktivnosti koje zahtjevaju vrijeme, sredstva, ljude, opremu, obuke i sve druge elemente koji su neophodni u procesu provedbe CITES-a, da bi bili u mogućnosti po poznatoj proceduri i na propisan način izdavati CITES dozvole za uvoz, izvoz i generalno, za promet ugroženim vrsta.

Ovo ministarstvo trenutno aktivno radi na uspostavljanju strukture za implementaciju CITES-a u smislu da je započeta izrada nacрта Odluke o uslovima i načinu provođenja Konvencije o međunarodnoj trgovini ugroženim vrstama divljih životinja i biljaka (CITES) u Bosni i Hercegovini, kako bi se napravila struktura i odredile institucije, na nivou države, te entiteta i distrika Brčko BiH, koje će provoditi Konvenciju u Bosni i Hercegovini. Odlukom će se takođe definisati način na koji će se vršiti izdavanje dozvola za promet ugroženim vrstama divljih životinja i biljaka, mrtvih primjeraka, te njihovih dijelova i derivata, odnosno svih vrsta koje se nalaze na spisku Dodataka CITES-a. Takođe je potrebno postići dogovor o samoj strukturi za provođenje Konvencije (koje institucije će biti imenovane za nadležne upravne organe, ovlaštene naučne ili stručne organizacije, nadzorne organe, itd.). Radi se i na propisivanju izgleda obrazaca CITES dozvola za BiH. Bitno je spomenuti još jednu vrlo važnu aktivnost koju će biti potrebno realizovati što je moguće prije, a to je usklađivanje postojećeg zakonodavstva u BiH sa zahtjevima CITES-a i/ili izrada i usvajanje potrebnih propisa za provođenje Konvencije, kao i EU direktiva koje se tiču ove oblasti.

Što se tiče konkretnog datuma vezano za krajnji rok kada će Bosna i Hercegovina biti u mogućnosti izdavati CITES dozvole, isti ne zavisi samo od Ministarstva spoljne trgovine i ekonomskih odnosa BiH i aktivnosti koje provodi na uspostavljanju strukture za implementaciju CITES-a u BiH, nego je u velikoj mjeri vezan i za Vlade oba entiteta, obzirom da je zaštita prirode regulisana zakonima na entitetskom nivou, kao i zaštita okoline generalno. Samim tim, prije usvajanja od strane Vijeća ministara BiH, Odluka o uslovima i načinu provođenja Konvencije o međunarodnoj trgovini ugroženim vrstama divljih životinja i biljaka (CITES) u Bosni i Hercegovini, mora biti odobrena i usvojena od strane Vlada oba entiteta.